## ॥ उदकशान्ति-मन्त्राः॥

कृणुष्व पाजः प्रसितिं न पृथ्वीं याहि राजेवामेवा ५ इभेन। तृष्वीमनु प्रसितिं द्रूणानोऽस्तांसि विध्यं रक्षसस्तपिष्ठैः। तवं भ्रमासं आशुया पंतन्त्यनुं स्पृश धृष्ता शोशुंचानः। तपू इंष्यग्ने जुह्नां पतुङ्गानसंन्दितो वि सृज विष्वंगुल्काः। प्रति स्पशो वि सृंज तूर्णितमो भवां पायुर्विशो अस्या अदंब्यः। यो नों दूरे अघश रसो यो अन्त्यमे मार्किष्टे व्यथिरा दंधर्षीत्॥१॥ उदंग्ने तिष्ठु प्रत्याऽऽतंनुष्व न्यंमित्रा ५ ओषतात्तिग्महेते। यो नो अरांति सिमधान चक्रे नीचा तं धंक्ष्यतसं न शुष्कम्। ऊर्ध्वो भंव प्रतिं विध्याध्यस्मदाविष्कृंणुष्व दैव्यांन्यग्ने। अवं स्थिरा तंनुहि यातुजूनां जामिमजांमिं प्र मृंणीहि शत्रून्। स ते जानाति सुमतिं यंविष्ठ य ईवंते ब्रह्मणे गातुमैरंत्॥२॥ विश्वांन्यस्मे सुदिनांनि रायो द्युम्नान्यूयों वि दुरों अभि द्यौत्। सेदंग्ने अस्तु सुभगंः सुदानुर्यस्त्वा नित्यंन हविषा य उक्थैः। पिप्रीषित स्व आयुंषि दुरोणे विश्वेदंस्मै सुदिना साऽसंदिष्टिः। अर्चामि ते सुमतिं घोष्यर्वाख्सं तें वावातां जरतामियङ्गीः॥३॥ स्वश्वांस्त्वा सुरथां मर्जयेमास्मे क्षत्राणिं धारयेरनु द्यून्। इह त्वा भूर्यो चेरेदुप त्मन्दोषांवस्तदीदिवा रसमन् द्यून्। कीर्डन्तस्त्वा सुमर्नसः सपेमाभि द्युम्ना तस्थिवा सो जनानाम्। यस्त्वा स्वर्थः सुहिर्ण्यो अंग्न उपयाति वसुंमता रथेन। तस्यं त्राता भंवसि तस्य सखा यस्तं आतिथ्यमांनुषग्जुजोषत्। महो रुंजामि बन्धुता वचोभिस्तन्मां पितुर्गोतंमादन्वियाय॥४॥

त्वं नो अस्य वर्चसिश्चिकिद्धि होतंर्यविष्ठ सुऋतो दर्मूनाः। अस्वंप्रजस्तरणंयः सुशेवा अतंन्द्रासोऽवृका अश्रंमिष्ठाः। ते पायवंः सिप्रयंश्चो निषद्याऽग्ने तवं नः पान्त्वमूर। ये पायवं मामतेयं ते अग्ने पश्यंन्तो अन्धं दुरितादरंक्षन्। रुरक्ष्व तान्थ्सुकृतों विश्ववेदा दिफ्संन्त इद्रिपवो ना हं देभुः॥५॥

त्वयां वय संधन्यं स्त्वोतास्तव प्रणींत्यश्याम् वाजान्। उभा शश्सां सूदय सत्यतातेऽनुष्ठुया कृंणुद्यह्रयाण। अया तें अग्ने स्मिधां विधेम् प्रति स्तोम श्रास्यमां गृभाय। दहाऽशसों रक्षसंः पाद्यंस्मान्द्रुहो निदो मित्रमहो अवद्यात्। रक्षोहणं वाजिन्माऽऽजिंघिमि मित्रं प्रथिष्ठमुपं यामि शर्मः। शिशांनो अग्निः क्रतंभिः समिद्धः स नो दिवा स रिषः पांतु नक्तम्॥६॥ वि ज्योतिषा बृह्ता भाँत्यग्निराविर्वश्वांनि कृणुते महित्वा। प्रादेवीर्मायाः संहते दुरेवाः शिशींते शृङ्गे रक्षंसे विनिक्षेः। उत स्वानासों दिविषंन्त्वग्नेस्तिग्मायुधा रक्षंसे हन्तवा उं। मदे चिदस्य प्ररुंजन्ति भामा न वंरन्ते परि्बाधो अदेवीः॥७॥[१.२.१४]

इन्ह्रं वो विश्वतस्परि हवांमहे जनेंभ्यः। अस्माकंमस्तु

केवंलः। इन्द्रं नरों नेमधिता हवन्ते यत्पार्या युनजंते धियस्ताः। शूरो नृषांता शवंसश्चकान आ गोमंति व्रजे भंजा त्वं नंः। इन्द्रियाणि शतकतो या ते जनेषु पश्चसुं। इन्द्र तानिं त आ वृंणे। अनुं ते दायि मह इंन्द्रियायं स्त्रा ते विश्वमनुं वृत्रहत्यें। अनुं क्षत्रमनु सहों यज्त्रेन्द्रं देवेभि्रनुं ते नृषह्यें॥८॥

आ यस्मिन्थ्सप्त वांस्वास्तिष्ठन्ति स्वारुहों यथा। ऋषिर्ह दीर्घृश्रत्तम् इन्द्रंस्य घुमीं अतिथिः। आमास् पृक्वमैरंय आ सूर्यर्थ रोहयो दिवि। घुमैं न सामन्तपता सुवृक्तिभिर्जुष्टं गिर्वणसे गिरंः। इन्द्रमिद्गाथिनों बृहदिन्द्रंमुर्केभिर्किणः। इन्द्रं वाणीरनूषत। गायन्ति त्वा गायत्रिणोऽर्चन्त्यर्कमिर्किणः॥९॥

ब्रह्माणंस्त्वा शतऋत्वुद्वश्वामंव येमिरे। अश्होमुचे प्र भरेमा मनीषामोषिष्ठदावन्ने सुमृतिं गृंणानाः। इदिमेन्द्र प्रतिं हृव्यं गृंभाय सृत्याः संन्तु यजंमानस्य कामाः। विवेष यन्मां धिषणां जजान स्तवै पुरा पार्यादिन्द्रमहः। अश्हंसो यत्रं पीपर्द्यथां नो नावेव यान्तंमुभये हवन्ते। प्र सम्राजं प्रथममध्वराणांमश्होमुचं वृष्भं युज्ञियांनाम्॥१०॥

अपां नपांतमिश्वना हयंन्तमस्मिन्नर इन्द्रियं धंत्तमोर्जः। वि नं इन्द्र मृधों जिह नीचा यंच्छ पृतन्यतः। अधस्पदं तमीं कृधि यो अस्मार अभिदासंति। इन्द्रं क्षत्रम्भि वाममोजोऽजांयथा वृषभ चर्षणीनाम्। अपोऽनुदो जनमित्रयन्तंमुरुं देवेभ्यों अकृणोरु लोकम्। मृगो न भीमः कुंचरो गिरिष्ठाः परावत आ जंगामा परंस्याः॥११॥

सृक स् स्शायं प्विमिन्द्र तिग्मं वि शत्रून् ताढि वि मृधों नुदस्व। वि शत्रून् वि मृधों नुद वि वृत्रस्य हनूं रुज। वि मृन्युमिन्द्र भामितों ऽमित्रं स्याभिदासंतः। त्रातार्मिन्द्रं मिवतार्मिन्द्रं हवेहवे सुहव श्रूरिमन्द्रम्। हुवे नु श्रृत्तं पुरुह्तिमन्द्रं स्वस्ति नो मृघवां धात्विन्द्रं। मा ते अस्या सहसावन् परिष्टावधायं भूम हरिवः परादे॥१२॥ त्रायंस्व नोऽवृकेभिवं स्थैस्तवं प्रियासंः सूरिषुं स्याम। अनंवस्ते रथमश्वांय तक्ष्मन् त्वष्टा वर्ज्ञं पुरुह्त द्युमन्तम्। ब्रह्माण् इन्द्रं मृहयंन्तो अर्केरवंधयन्नहंये हन्तवा उ। वृष्णे यत्ते वृष्णो अर्कमर्चानिन्द्र ग्रावांणो अदितिः स्जोषाः। अन्श्वासो ये प्वयोऽर्था इन्द्रंषिता अभ्यवंतन्त दस्यून्॥१७॥[१.६.१२]

यतं इन्द्र भयांमहे ततों नो अभयं कृधि। मघंवञ्छुग्धि तव् तन्नं ऊतये विद्विषो विमृधों जिह। स्वस्तिदा विशस्पतिंवृत्रहा विमृधों वृशी। वृषेन्द्रंः पुर एतुं नः स्वस्तिदा अभयङ्करः। महा इन्द्रो वर्ज्ञंबाहुः षोडुशी शर्म यच्छतु। स्वस्ति नों मुघवां करोतु हन्तुं पाप्मानं योंऽस्मान् द्वेष्टिं। सुजोषां

इन्द्र सर्गणो मरुद्भिः सोमं पिब वृत्रहञ्छूर विद्वान्। जिह शत्रू रपमृधीनुदस्वाथाभयं कृणु हि विश्वती नः॥१८॥ ये देवाः पुरः सदोऽग्नि नैना रक्षोहणस्ते नः पान्तु ते नोंऽवन्तु तेभ्यो नमस्तेभ्यः स्वाहा ये देवा दंक्षिणसदों यमनैंत्रा रक्षोहणस्ते नंः पान्तु ते नोंऽवन्तु तेभ्यो नमस्तेभ्यः स्वाहा ये देवाः पंश्चात् सर्दः सवितृ ने त्रा रक्षोहणस्ते नंः पान्तु ते नोंऽवन्तु तेभ्यो नमस्तेभ्यः स्वाहा ये देवा उत्तरसदो वर्रुणनेत्रा रक्षोहणस्ते नंः पान्तु ते नोंऽवन्तु तेभ्यो नमस्तेभ्यः स्वाहा ये देवा उंपरिषदो बृहस्पतिनेत्रा रक्षोहणस्ते नंः पान्तु ते नोंऽवन्तु तेभ्यो नमस्तेभ्यः स्वाहाऽग्नये रक्षोघ्ने स्वाहां यमायं रक्षोघ्ने स्वाहां सिवत्रे रक्षोघ्ने स्वाहा वर्रुणाय रक्षोघ्ने स्वाहा बृहस्पतंये दुवंस्पते रक्षोघ्ने स्वाहाँ॥१९॥

अग्निरायुंष्मान्थ्स वन्स्पतिंभिरायुंष्मान्तेन् त्वाऽऽयुषा-ऽऽयुंष्मन्तं करोम् सोम् आयुंष्मान्थ्स ओषंधीभिरायुंष्मान्तेन् त्वाऽऽयुषाऽऽयुंष्मन्तं करोमि यज्ञ आयुंष्मान्थ्स दक्षिंणाभिरायुंष्मान्तेन् त्वाऽऽयुषाऽऽयुंष्मन्तं करोम् ब्रह्मायुंष्मत्तद् ब्राह्मणेरायुंष्मत्तेन् त्वाऽऽयुषाऽऽयुंष्मन्तं करोमि देवा आयुंष्मन्तस्तेंऽमृतेनायुंष्मन्तस्तेन् त्वा-

## ऽऽयुषाऽऽयुंष्मन्तं करोमि॥२०॥

या वांमिन्द्रा वरुणा यत्व्यां त्नूस्तयेमम हंसो मुश्रतम्। या वांमिन्द्रा वरुणा सहस्यां त्नूस्तयेमम हंसो मुश्रतम्। या वांमिन्द्रा वरुणा रक्षस्यां त्नूस्तयेमम हंसो मुश्रतम्। या वांमिन्द्रा वरुणा तेज्स्यां त्नूस्तयेमम हंसो मुश्रतम्॥ २१॥

यो वांमिन्द्रा वरुणावृग्नौ स्नाम्स्तं वांमेतेनावं यजे यो वांमिन्द्रा वरुणा द्विपाथ्सं पृशुषु स्नाम्स्तं वांमेतेनावं यजे

यो वांमिन्द्रा वरुणा चतुंष्पाथ्सु स्नाम्स्तं वांमेतेनावं यजे यो वांमिन्द्रा वरुणा गोष्ठे स्नाम्स्तं वांमेतेनावं यजे यो वांमिन्द्रा वरुणा गृहेषु स्नाम्स्तं वांमेतेनावं यजे यो वांमिन्द्रा वरुणोप्सु स्नाम्स्तं वांमेतेनावं यजे यो वांमिन्द्रा वरुणोपंधीषु स्नाम्स्तं वांमेतेनावं यजे यो वांमिन्द्रा वरुणो वन्स्पतिषु स्नाम्स्तं वांमेतेनावं यजे॥२२॥

अग्ने यशस्विन् यशंसे ममंप्येन्द्रांवतीमपंचितीमिहावंह। अयं मूर्धा पंरमेष्ठी सुवर्चाः समानानांमृत्तमश्लोंको अस्तु॥ भद्रं पश्यंन्त उपंसेदुरग्रे तपो दीक्षामृषंयः सुवर्विदंः। ततंः क्षत्रं बलमोजंश्च जातं तद्स्मै देवा अभि सन्नंमन्तु॥ धाता विधाता पंरमोतस्नशृक् प्रजापंतिः परमेष्ठी विराजां। स्तोमाश्छन्दा रेसि निविदोंम आहुरेतस्मैं राष्ट्रमभिसन्नंमाम॥ अभ्यावंर्तध्वमुपमेतंसाक मयर शास्ताऽधिपतिर्वो अस्तु। अस्य विज्ञानमनुसर्रभध्वमिमं पृश्चादनुं जीवाथ सर्वे॥२३॥

#### ॥राष्ट्रभृतम्॥

ऋताषाङ्वतधांमाग्निर्गन्धर्वस्तस्यौषंधयोऽफ्स्रस् ऊर्जो नाम् स इदं ब्रह्मक्षत्रं पांतु ता इदं ब्रह्मक्षत्रं पान्तु तस्मै स्वाहा ताभ्यः स्वाहां

स॰हितो विश्वसामा सूर्यो गन्धर्वस्तस्य मरीचयोऽफ्स्रसं आयुवो नाम

स इदं ब्रह्मेक्ष्रत्रं पातु ता इदं ब्रह्मेक्ष्रत्रं पान्तु तस्मै स्वाहा ताभ्यः स्वाहां

सुषुम्णः सूर्यरिशमश्चन्द्रमां गन्ध्वस्तस्य नक्षंत्राण्यऽपस्रसों बेकुरंयो नाम

स इदं ब्रह्मेक्ष्त्रं पांतु ता इदं ब्रह्मेक्ष्त्रं पांन्तु तस्मै स्वाहा ताभ्यः स्वाहां

भुज्युः सुंपूर्णो युज्ञो गंन्धुर्वस्तस्य दक्षिणा अफ्सुरसंस्त्वा नाम्

स इदं ब्रह्मंक्ष्त्रं पांतु ता इदं ब्रह्मंक्ष्त्रं पांन्तु तस्मै स्वाहा ताभ्यः स्वाहाँ

प्रजापितिर्विश्वकर्मा मनों गन्ध्वस्तस्यंर्ख्सामान्यंपस्रसो

वह्नंयो नाम्

स इदं ब्रह्मेक्ष्रत्रं पांतु ता इदं ब्रह्मेक्ष्रत्रं पांन्तु तस्मै स्वाहा ताभ्यः स्वाहेषिरो

विश्वव्यंचा वातों गन्ध्वंस्तस्यापौंऽफ्स्रसों मुदा नाम् स इदं ब्रह्मेक्ष्रत्रं पातु ता इदं ब्रह्मेक्ष्रत्रं पौन्तु तस्मै स्वाहा ताभ्यः स्वाहाँ।

भुवंनस्य पते यस्यं त उपिरं गृहा इह चं। स नों रास्वाज्यांनि॰ रायस्पोष॰ सुवीर्य॰ संवथ्सरीणा॰ स्वस्तिम्। (स्वाहां)।

प्रमेष्ठाधिपतिर्मृत्युर्गन्धवस्तस्य विश्वंमफ्स्रसो भुवो नाम् स इदं ब्रह्मक्षत्रं पातु ता इदं ब्रह्मक्षत्रं पान्तु तस्मै स्वाहा ताभ्यः स्वाहां

सुक्षितिः सुभूतिर्भद्रकृथ्सुवर्वान्यर्जन्यो गन्धर्वस्तस्यं विद्युतौऽफ्सरसो रुचो नाम

सं इदं ब्रह्मेक्ष्रत्रं पातु ता इदं ब्रह्मेक्ष्रत्रं पान्तु तस्मै स्वाहा ताभ्यः स्वाहां

दूरे हेतिरमृड्यो मृत्युर्गन्धर्वस्तस्यं प्रजा अंफ्स्रसों भीरुवो नाम्

स इदं ब्रह्मेक्ष्त्रं पांतु ता इदं ब्रह्मेक्ष्त्रं पांन्तु तस्मै स्वाहा ताभ्यः स्वाहा

चार्रः कृपणकाृशी कामो गन्धुर्वस्तस्याधयौऽफ्सुरसंः

शोचर्यन्तीर्नाम् स इदं ब्रह्मेक्ष्रत्रं पांतु ता इदं ब्रह्मेक्ष्रत्रं पांन्तु तस्मै स्वाहा ताभ्यः स्वाहा स नो भुवनस्य पते यस्यं त उपिरं गृहा इह चं। उरु ब्रह्मणेऽस्मै क्ष्रत्राय मिह शर्म यच्छ (स्वाहाँ)॥ नमो अस्तु सूर्पभ्यो ये के चं पृथिवीमन्ं। ये अन्तिरिक्षे ये दिवि तेभ्यः सूर्पभ्यो नमः॥ येऽदो रोचने दिवो ये वा सूर्यस्य रिश्मिषं। येषांमुफ्सु सदः कृतं तेभ्यः सूर्पभ्यो नमः॥ या इषंवो यातुधानांनां ये वा वनस्पती १ रन्ं। ये वांऽवटेषु शेरते तेभ्यः सूर्पभ्यो नमः॥

#### ॥पञ्चचोडाः॥

अयं पुरो हरिकेशः सूर्यरिशम्स्तस्यं रथगृथ्सश्च रथौजाश्च सेनानिग्रामण्यौ पुञ्जिकस्थला चं कृतस्थला चाँफ्स्रसौ यातुधानां हेती रक्षार्रस् प्रहेतिस्तेभ्यो नम्स्ते नो मृडयन्तु ते यं द्विष्मो यश्चं नो द्वेष्टि तं वो जम्भे दधामि। अयं देक्षिणा विश्वकर्मा तस्यं रथस्वनश्च रथे चित्रश्च सेनानिग्रामण्यौ मेनका चं सहजन्या चाँफ्स्रसौ द्ङ्क्कवंः पृश्चवों हेतिः पौरुषयोवधः प्रहेतिस्तेभ्यो नम्स्ते नो मृडयन्तु ते यं द्विष्मो यश्चं नो द्वेष्टि तं वो जम्भे दधामि। अयं पृश्चाद्विश्वव्यंचास्तस्य रथंप्रोतश्चासंमरथश्च सेनानिग्रामण्यौ प्रम्नोचंन्ती चानुम्नोचंन्ती चाफ्स्रसौ सूर्पा हेतिर्व्याघ्राः प्रहेतिस्तेभ्यो नम्स्ते नो मृडयन्तु ते यं द्विष्मो यश्च नो द्वेष्टि तं वो जम्भे दधामि।

अयम्त्राथ्संयद्वंसुस्तस्यं सेन्जिचं सुषेणंश्च सेनानिग्राम्ण्यौं विश्वाचीं च घृताचीं चाफ्स्रसावापों हेतिर्वातः प्रहेतिस्तेभ्यो नम्स्ते नों मृडयन्तु ते यं द्विष्मो यश्चं नो द्वेष्टि तं वो जम्भे दधामि।

अयमुपर्यविग्वंसुस्तस्य तार्क्ष्यश्चारिष्टनेमिश्च सेनानि-ग्रामण्यांवुविशी च पूर्विचित्तिश्चाफ्स्रसौ विद्युद्धेतिरंव-स्फूर्ज्न्प्रहेतिस्तेभ्यो नम्स्ते नो मृडयन्तु ते यं द्विष्मो यश्चे नो द्वेष्टि तं वो जम्भे दधामि।

### ॥ अप्रतिरथम्॥

(तैत्तिरीयसंहितायां काण्डः - ४/प्रश्नः - ६/अनुवाकः - ४)

आशुः शिशांनो वृष्मो न युध्मो घंनाघनः क्षोमंणश्चर्षणीनाम्।
सङ्कन्दंनोऽनिमिष एंकवीरः श्वतः सेनां अजयत् साकिमिन्द्रंः।
सङ्कन्दंनेनानिमिषेणं जिष्णुनां युत्कारेणं दुश्चवनेनं धृष्णुनां।
तदिन्द्रंण जयत् तथ्मंहध्वं युधों नर् इषुंहस्तेन वृष्णां। स इषुंहस्तैः सनिष्किभिर्वशी सङ्स्रष्टा स युध् इन्द्रों गुणेनं।
सः स्मृष्टजिथ्मोम्पा बांहुश्ध्यूर्ध्वधंन्वा प्रतिंहिताभिरस्तां।
बृहंस्पते परिं दीया रथेन रक्षोहाऽमित्राः अपबाधंमानः। प्रभुश्चन्थ्सेनाः प्रमृणो युधा जयंत्रस्माकंमेध्यविता रथांनाम्। गोत्रभिदं गोविदं वर्ज्ञंबाहुं जयंन्तमज्मं प्रमृणन्तमोजंसा। इम॰ संजाता अनुं वीरयध्वमिन्द्र॰ सखायोऽनु स॰ रंभध्वम्। बुलुविज्ञायः स्थविरः प्रवीरः सहंस्वान् वाजी सहंमान उग्रः। अभिवीरो अभिसंत्त्वा सहोजा जैत्रंमिन्द्र रथमा तिष्ठ गोवित्। अभि गोत्राणि सहंसा गाहंमानोऽदायो वीरः श्तमंन्युरिन्द्रः।

दुश्चवनः पृंतनाषाडंयुध्यों उस्माक् से सेनां अवतु प्र युथ्सु। इन्द्रं आसां नेता बृह्स्पतिर्दक्षिणा यज्ञः पुर एंतु सोमंः। देवसेनानांमभिभञ्जतीनां जयंन्तीनां मरुतों यन्त्वग्रें। इन्द्रंस्य वृष्णो वर्रुणस्य राज्ञं आदित्यानां मरुता शर्ध उग्रम्। महामनसां भवनच्यवानां घोषों देवानां जयंतामुदंस्थात्। अस्माक्मिन्द्रः समृतेषु ध्वजेष्वस्माकं या इषंवस्ता जंयन्तु।

अस्माकं वीरा उत्तरे भवन्त्वस्मानं देवा अवता हवेषु। उद्धेर्षय मघवन्नायुंधान्युत् सत्त्वेनां मामकानां महा स्मि। उद्घंत्रहन् वाजिनां वाजिनान्युद्रथानां जयंतामेतु घोषंः। उप्रेत् जयंता नरः स्थिरा वंः सन्तु बाहवंः। इन्द्रों वः शर्मयच्छत्त्वनाधृष्या यथाऽसंथ। अवंसृष्टा परां पत् शरंव्ये ब्रह्मंसर्शिता।

गच्छामित्रान् प्रविश मैषां कं चुनोच्छिषः। मर्माणि ते

वर्मभिश्छादयामि सोमंस्त्वा राजाऽमृतेनाभिवंस्ताम्। उरोवरीयो वरिवस्ते अस्तु जयंन्तं त्वामनुं मदन्तु देवाः। यत्रं बाणाः सम्पतंन्ति कुमारा विशिखा इंव। इन्द्रों नस्तत्रं वृत्रहा विश्वाहा शर्मं यच्छतु॥

शं चं में मयंश्च में प्रियं चं मेऽनुकामश्चं में कामंश्च में सौमन्सश्चं में भूद्रं चं में श्रेयंश्च में वस्यंश्च में यशंश्च में भगंश्च में द्रविणं च में यन्ता चं में धूर्ता चं में क्षेमंश्च में धृतिश्च में विश्वं च में महंश्च में स्विचं में ज्ञात्रं च में सूर्श्च में प्रसूर्श्च में सीरं च में लयश्चं म ऋतं चं मेऽमृतं च मेऽय्ध्मं च मेऽनामयच में जीवातृंश्च में दीर्घायुत्वं चं मेऽनिमृत्रं च मेऽभंयं च में सुगं चं में शयंनं च में सूषा चं में सुदिनं च मे॥

## ॥ विहव्यम्॥

ममाँग्ने वर्चो विह्वेष्वंस्तु व्यं त्वेन्थांनास्तुन्वं पुषेम। महं नमन्तां प्रदिश्श्वतंस्रस्त्वयाऽध्यंक्षेण पृतंना जयेम। ममं देवा विह्वे संन्तु सर्व इन्द्रांवन्तो मुरुतो विष्णुंरग्निः। ममान्तिरक्षिमुरु गोपमंस्तु मह्यं वातः पवतां कामे अस्मिन्। मियं देवा द्रविणमा यंजन्तां मय्याशीरंस्तु मियं देवहूंतिः। देव्या होतांरा वनिषन्त पूर्वेऽरिष्टाः स्याम तुन्वां सुवीराः। मह्यं यजन्तु मम् यानिं हृव्याऽऽकूंतिः सृत्या मनंसो मे

अस्तु। एनो मा नि गांं कतुमचनाहं विश्वं देवासो अधि वोचता मे। देवीं: षडुर्वीरुरु णं: कृणोत विश्वं देवास इह वीरयध्वम्। मा हास्मिहि प्रजया मा तुनूभिर्मा रंधाम द्विषते सोम राजन्। अग्निर्मन्युं प्रतिनुदन् पुरस्ताददंब्धो गोपाः परिं पाहि नुस्त्वम्। प्रत्यश्चों यन्तु निगुतः पुनस्तें ऽमैषां चित्तं प्रबुधा वि नेशत्। धाता धांतृणां भुवंनस्य यस्पतिर्देव र संवितारमिमातिषा ऽहम्। इमं यज्ञमश्विनोभा बृहस्पतिर्देवाः पाँन्तु यजमानं न्यूर्थात्। उरुव्यचां नो महिषः शर्म य सद्स्मिन् हवें पुरुहूतः पुंरुक्षु। स नेः प्रजायें हर्यश्व मृडयेन्द्र मा नों रीरिषो मा परां दाः। ये नः सपन्ना अप ते भंवन्त्वन्द्राग्निभ्यामवं बाधामहे तान्। वसंवो रुद्रा आंदित्या उंपरिस्पृशं मोग्रं चेत्तांरमधिराजमंत्रन्। अर्वाश्चमिन्द्रंममुतों हवामहे यो गोजिद्धनजिदंश्वजिद्यः। इमं नो यज्ञं विंहवे जुंषस्वास्य कुंमीं हरिवो मेदिनं त्वा॥

### ॥मृगारम्॥

अग्नेर्मन्वे प्रथमस्य प्रचेतसो यं पाश्चेजन्यं बहवः सिम्न्थतें। विश्वेस्यां विशि प्रविविशिवारसंमीमहे स नो मुश्चत्वरहेसः। यस्येदं प्राणं निम्षिषद्यदेजेति यस्यं जातं जनमानं च केवेलम्। स्तौम्यग्निं नांथितो जोहवीमि स नो मुश्चत्वरहेसः। इन्द्रंस्य मन्ये प्रथमस्य प्रचेतसो वृत्रघः स्तोमा उप् मामुपागुः। यो दाशुषः सुकृतो हव्मुप् गन्ता स नो मुञ्चत्व १ हंसः। यः संङ्गामं नयंति संवृशी युधे यः पुष्टानि स १ सृज्जिते त्रयाणि। स्तौमीन्द्रं नाथितो जोह्वीमि स नो मुञ्चत्व १ हंसः।

मन्वे वां मित्रावरुणा तस्यं वित्त स्यांजिसा द हणा यं नुदेथें। या राजांन स्पर्थं याथ उंग्रा ता नो मुश्चतमार्गसः। यो वा रथं ऋजुरंशिमः सत्यधंमां मिथुश्चरंन्तमुप्यातिं दूषयन्। स्तौमिं मित्रावरुणा नाथितो जोहवीमि तो नो मुश्चतमार्गसः।

वायोः संवितुर्विद्यांनि मन्महे यावाँत्मन्विद्वंभृतो यो च् रक्षंतः। यो विश्वंस्य पिर्भू बंभूवतुस्तौ नों मुश्चत्मागंसः। उप श्रेष्ठां न आशिषों देवयोधर्मे अस्थिरन्। स्तौिमं वायु र संवितारं नाथितो जोंहवीमि तौ नों मुश्चत्मागंसः। रथीतंमो रथीनामंह ऊतये शुभुं गिमष्ठौ सुयमेंभिरश्वैः। ययोंवां देवौ देवेष्विनिशित्मोज्स्तौ नों मुश्चत्मागंसः। यदयातं वहतु र सूर्यायाँ स्तिच्केणं स्र सदंमिच्छमानौ। स्तौिमं देवाविश्वनौं नाथितो जोंहवीमि तौ नों मुश्चत्मागंसः। मुरुतां मन्वे अधिं नो ब्रुवन्तु प्रेमां वाचं विश्वांमवन्तु विश्वं। आशून् हुंवे सुयमांनूतये ते नों मुश्चन्त्वनंसः। तिग्ममायुंधं वीडित र सहंस्विद्वय र शर्धः पृतंनासु जिष्णु। स्तौिमं देवान्मरुतों नाथितो जोहवीमि ते नों मुश्चन्त्वेनंसः। देवानां मन्वे अधि नो ब्रुवन्तु प्रेमां वाचं विश्वांमवन्तु विश्वै। आशून् हुंवे सुयमानूतये ते नो मुश्चन्त्वेनंसः। यदिदं मांऽभिशोचंति पौरुंषेयेण दैव्यंन। स्तौमि विश्वांन्देवान्नांथितो जोहवीमि ते नो मुश्चन्त्वेनंसः। अन् नोऽद्यान्मितिर्यज्ञं देवेषुं मन्यताम्। अग्निश्चं हव्यवाहंनो भवंतां दाशुषे मर्यः। अन्विदंनुमते त्वं मन्यांसै शं चं नः कृधि। ऋत्वे दक्षांय नो हि नु प्रण आयू ५ षि तारिषः। वैश्वानुरो न ऊत्या प्र यांतु परावतः। अग्निरुक्थेन वाहंसा॥ पृष्टो दिवि पृष्टो अग्निः पृथिव्यां पृष्टो विश्वा ओषंधीराविवेश। वैश्वानरसहंसा पृष्टो अग्निः स नो दिवा स रिषः पांतु नक्तम्। ये अप्रथेताममितेभिरोजोभिर्ये प्रतिष्ठे अभवतां वसूंनाम्।

स्तौमि द्यावांपृथिवी नांथितो जोंहवीमि ते नों मुश्चत्म १ हंसः। उर्वी रोदसी वरिंवः कृणोतं क्षेत्रंस्य पत्नी अधि नो ब्र्यातम्। स्तौमि द्यावांपृथिवी नांथितो जोंहवीमि ते नों मुश्चत्म १ हंसः। यत्ते व्यं पुरुषत्रा यंविष्ठाऽविद्वा १ सश्चकृमा कच्चनाऽऽगंः। कृधी स्वंस्मा १ अदिंतेरनांगा व्येना १ सि शिश्रथो विष्वंगग्ने। यथां ह तद्वंसवो गौर्यं चित्पदि षिताममुंश्चता यजत्राः। एवा त्वमस्मत्र मुंश्चा व्य १ हः प्रातांर्यग्ने प्रत्रां न आयुंः॥

# ॥ सर्पाहुतिः॥

समीची नामांसि प्राची दिक्तस्यांस्तेऽग्निरधिंपतिरसितो रंक्षिता यश्चाधिपतिर्यश्चं गोप्ता ताभ्यां नमस्तौ नों मृडयतां ते यं द्विष्मो यश्च नो द्वेष्टि तं वां जम्भे दधाम्योजस्विनी नामांसि दक्षिणा दिक्तस्यांस्त इन्द्रोऽधिं-पतिः पृदांक् रक्षिता यश्चाधिपतिर्यश्चं गोप्ता ताभ्यां नम्स्तौ नों मृडयतां ते यं द्विष्मो यश्चं नो द्वेष्टि तं वां जम्भें दधामि प्राची नामांसि प्रतीची दिक्तस्यांस्ते सोमोऽधिपतिः स्वजो रंक्षिता यश्चाधिपतिर्यश्चं गोप्ता ताभ्यां नमस्तौ नों मृडयतां ते यं द्विष्मो यश्च नो द्वेष्टि तं वां जम्भें दधाम्यवस्थावा नामास्युदींची दिक्तस्याँस्ते वरुणोऽधिं-पतिस्तिरश्चंराजी रक्षिता यश्चाधिंपतिर्यश्चं गोप्ता ताभ्यां नमुस्तौ नों मृडयतां ते यं द्विष्मो यश्चं नो द्वेष्टि तं वां जम्भे दधाम्यधिपत्नी नामांसि बृहती दिक्तस्यांस्ते बृहस्पतिरधिपतिः िश्वत्रो रंक्षिता यश्चाधिपतिर्यश्चं गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जम्भे दधामि विशनी नामांसीयं दिक्तस्यांस्ते यमोऽधिंपतिः कल्माषंग्रीवो रक्षिता यश्चार्धिपतिर्यश्चं गोप्ता ताभ्यां नमस्तौ नों मृडयतां ते यं द्विष्मो यश्चं नो द्वेष्टि तं वां जम्भे दधामि॥

## ॥ गन्धर्वाहुतीः॥

हेतयो नामं स्थ तेषां वः पुरो गृहा अग्निर्व इषंवः सिल्लो वातनामं तेभ्यो वो नमस्ते नो मृडयत् ते यं द्विष्मो यश्च नो द्वेष्टि तं वो जम्भे दधामि

निलिम्पा नाम स्थ तेषां वो दक्षिणा गृहाः पितरो व इषेवः सगरो

वातनामं तेभ्यों वो नम्स्ते नों मृडयत् ते यं द्विष्मो यश्चं नो द्वेष्टि तं वो जम्भें दधामि

विजिणो नामं स्थ तेषां वः पश्चाद्गृहाः स्वप्नो व इषेवो गह्वंरो वातनामं तेभ्यो वो नम्स्ते नो मृडयत् ते यं द्विष्मो यश्चं नो द्वेष्टि तं वो जम्भे

दधाम्यवस्थावांनो नामं स्थ तेषां व उत्तराद्गृहा आपो व इषंवः समुद्रो

वांतनामं तेभ्यों वो नम्स्ते नों मृडयत् ते यं द्विष्मो यश्चं नो द्वेष्टि तं वो जम्भें

दधाम्यधिपतयो नामं स्थ तेषां व उपरि गृहा वर्षं व इषवोऽवंस्वान्

वातनामं तेभ्यों वो नम्स्ते नों मृडयत् ते यं द्विष्मो यश्चं नो द्वेष्टि तं वो जम्भें दधामि

ऋव्या नामं स्थ पार्थिवास्तेषां व इह गृहा अन्नं व इषंवो निमिषो वांतनामं तेभ्यों वो नम्स्ते नो मृडयत् ते यं द्विष्मो यश्चं नो द्वेष्टि तं वो जम्भे दधामि।

## ॥ अज्यानि॥

श्वायंधाय श्वतवींर्याय श्वातंत्रेयऽभिमातिषाहैं। श्वतं यो नेः श्ररदो अजीतानिन्द्रों नेषदितें दुरितानि विश्वां॥

ये चत्वारंः पृथयों देवयानां अन्त्रा द्यावांपृथिवी वियन्ति। तेषां यो अज्यांनिमजीतिमा वहात्तस्मैं नो देवाः परि दत्तेह सर्वे॥

ग्रीष्मो हेमन्त उत नो वसन्तः श्ररद्वर्षाः सुवितं नो अस्तु। तेषांमृतूना श्रातशांरदानां निवात एषामभेये स्याम॥

इदुव्थ्सरायं परिवथ्सरायं संवथ्सरायं कृणुता बृहन्नमंः। तेषां वयः सुमृतौ युज्ञियानां ज्योगजीता अहंताः स्याम॥

भुद्रान्नः श्रेयः समंनैष्ट देवास्त्वयांऽवसेन समंशीमहि त्वा। स नो मयोभूः पितो आविंशस्व शन्तोकायं तुनुवें स्यो नः॥

भूतं भव्यं भविष्यद्वष्ट् स्वाहा नम् ऋख्साम्यजुर्वष्ट् स्वाहा नमो गायत्रीत्रिष्टु ज्ञगती वष्ट् स्वाहा नमेः पृथिव्यंन्तिरेक्षं द्यौर्वष्ट् स्वाहा नमोऽग्निर्वायः सूर्यो वष्ट् स्वाहा नर्मः प्राणो व्यानोऽपानो वष्ट् स्वाहा नमोऽन्नं कृषिर्वृष्टिर्वष्ट् स्वाहा नर्मः पिता पुत्रः पौत्रो वष्ट् स्वाहा नमो भूर्भुवः सुवर्वष्ट् स्वाहा नर्मः।

## ॥ अथर्वशिरसम्॥

(तैत्तिरीयब्राह्मणे अष्टकम् - १/प्रश्नः - ५/अनुवाकः - ८)

इन्द्रों दधीचो अस्थिभिः। वृत्राण्यप्रंतिष्कुतः। ज्ञ्घानं नवृतीर्नवं। इच्छन्नश्वंस्य यच्छिरंः। पर्वतेष्वपंश्रितम्। तिद्वंदच्छर्यणावंति। अत्राह् गोरमंन्वत। नाम् त्वष्टुंरपीच्यम्। इत्था चन्द्रमंसो गृहे। इन्द्रमिद्गाथिनों बृहत्॥

इन्द्रंमुर्केभिर्किणः। इन्द्रं वाणीरनूषत। इन्द्र् इद्धर्योः सचौ। सम्मिश्च आवंचो युजाँ। इन्द्रों वृज्जी हिर्ण्ययः। इन्द्रों दीर्घाय चक्षंसे। आ सूर्यर् रोहयिद्वि। वि गोभिरद्रिमैरयत्। इन्द्र् वाजेषु नो अव। सहस्रंप्रधनेषु च॥

उग्र उग्राभिंरूतिभिंः। तिमन्द्रं वाजयामिस। महे वृत्राय हन्तेवे। स वृषां वृष्भो भुंवत्। इन्द्रः स दामने कृतः। ओजिंष्टः स बले हि्तः। द्युम्नी श्लोकी स सौम्यः। गिरा वज्रो न सम्भृतः। सबलो अनेपच्युतः। वृवक्षुरुग्रो अस्तृतः॥

## ॥ प्रत्यङ्गिरसम्॥

(तैत्तिरीयब्राह्मणे अष्टकम् - २/प्रश्नः - ३/अनुवाकः - २)

चक्षुंषो हेते मनंसो हेते। वाचों हेते ब्रह्मंणो हेते। यो मांऽघायुरंभिदासंति। तमंग्ने मेन्या मेनिं कृणा यो मा चक्षुंषा यो मनंसा। यो वाचा ब्रह्मंणाऽघायुरंभिदासंति। तयाँऽग्ने त्वं मेन्या। अमुमंमेनिं कृणा यत्किश्चासौ मनंसा यचं वाचा। यज्ञैर्जुहोति यजुंषा ह्विभिंः॥

तन्मृत्युर्निर्ऋंत्या संविदानः। पुरादिष्टादाहुंतीरस्य हन्तु। यातुधाना निर्ऋंतिरादुरक्षः। ते अस्य घ्रन्त्वनृंतेन सत्यम्। इन्द्रेषिता आज्यंमस्य मथ्नन्तु। मा तथ्समृंद्धि यद्सौ क्रोतिं। हन्मिं तेऽहं कृत॰ ह्विः। यो में घोरमचींकृतः। अपाँश्रौ त उभौ बाह्। अपंनह्याम्यास्यम्॥

अपं नह्यामि ते बाहू। अपं नह्याम्यास्यम्। अग्नेर्देवस्य ब्रह्मणा। सर्वं तेऽविधषं कृतम्। पुराऽमुष्यं वषद्भारात्। यृज्ञं देवेषुं नस्कृधि। स्विष्टम्स्माकं भूयात्। माऽस्मान्प्रापृत्न-रातयः। अन्तिं दूरे सुतो अग्ने। भ्रातृंव्यस्याभिदासंतः॥१४॥

वृषद्भारेण वर्त्रेण। कृत्या हिन्म कृतामहम्। यो मा नक्तं दिवां सायम्। प्रातश्चाह्नां निपीयंति। अद्या तिमंन्द्र वर्ज्रेण। भातृंव्यं पादयामसि।

(तैत्तिरीयब्राह्मणे अष्टकम् - २/प्रश्नः - ५/अनुवाकः - १)

प्राणो रंक्षिति विश्वमेजंत्। इर्यो भूत्वा बंहुधा बहूनिं। स इथ्सर्वं व्यानशे। यो देवो देवेषुं विभूरन्तः। आवृंदूदात् क्षेत्रियंध्वगद्वृषां। तिमत्प्राणं मन्सोपं शिक्षत। अग्रं देवानांमिदमंत्तु नो ह्विः। मनंसृश्चित्तेदम्। भूतं भव्यं च गुप्यते। तिद्धे देवेष्वंग्रियम्॥

आ नं एतु पुरश्चरम्। सह देवैरिमः हवम्। मनः श्रेयंसिश्रेयसि। कर्मन् यूज्ञपंतिं दर्धत्। जुषतां मे वागिदः ह्विः। विराङ्देवी पुरोहिता। हृव्यवाडनंपायिनी। ययां रूपाणि बहुधा वदंन्ति। पेशाः सि देवाः पंरमे ज्नित्रें। सा नों विराडनंपस्फुरन्ती॥

वाग्देवी जुंषतामिद १ ह्विः। चक्षुंर्देवानां ज्योतिर्मृते न्यंक्तम्। अस्य विज्ञानांय बहुधा निधीयते। तस्यं सुम्नमंशीमिह। मा नो हासीद्विचक्षणम्। आयुरिन्नः प्रतींर्यताम्। अनंन्याश्चक्षुंषा वयम्। जीवा ज्योतिरशीमिह। सुवर्ज्योतिर्तामृतम्। श्रोत्रेण भद्रमुत शृंण्वन्ति सृत्यम्। श्रोत्रेण वार्चं बहुधोद्यमानाम्। श्रोत्रेण मोदश्च महंश्च श्रूयते। श्रोत्रेण सर्वा दिश् आ शृंणोिम। यन् प्राच्यां उत दंक्षिणा। प्रतीच्ये दिशः शृण्वन्त्यंत्तरात्। तदिच्छोत्रं बहुधोद्यमानम्। अरान्न नेिमः परि सर्वं बभूव॥

(तैत्तिरीयब्राह्मणे अष्टकम् - २/प्रश्नः - ७/अनुवाकः - ७)

सि ५ हे व्याघ्र उत या पृदांकौ। त्विषिंरुग्नौ ब्राँह्मणे सूर्ये

या। इन्द्रं या देवी सुभगां जजानं। सा न आगुन्वर्चसा संविदाना। या रांजन्ये दुन्दुभावायंतायाम्। अश्वंस्य ऋन्द्ये पुरुषस्य मायौ। इन्द्रं या देवी सुभगां जजानं। सा न आगुन्वर्चसा संविदाना। या हस्तिनि द्वीपिनि या हिरंण्ये। त्विष्रिश्वंषु पुरुषेषु गोषुं॥

इन्द्रं या देवी सुभगां ज्ञानं। सा न आग्न्वर्चसा संविदाना। रथे अक्षेषुं वृष्भस्य वाजें। वाते पूर्जन्ये वरुणस्य शुष्में। इन्द्रं या देवी सुभगां ज्ञानं। सा न आग्न्वर्चसा संविदाना। राडंसि विराडंसि। सुम्राडंसि स्वराडंसि। इन्द्रांय त्वा तेजंस्वते तेजंस्वन्तः श्रीणामि। इन्द्रांय त्वौजंस्वत् ओजंस्वन्तः श्रीणामि॥

इन्द्रांय त्वा पर्यस्वते पर्यस्वन्तः श्रीणामि। इन्द्रांय त्वाऽऽयुष्मत् आयुष्मन्तः श्रीणामि। तेजोऽसि। तत्ते प्र यंच्छामि। तेजंस्वदस्तु मे मुखम्। तेजंस्वच्छिरो अस्तु मे। तेजंस्वान् विश्वतः प्रत्यङ्कः। तेजंसा सं पिंपृग्धि मा। ओजोऽसि। तत्ते प्र यंच्छामि॥

ओर्जस्वदस्तु मे मुखम्ं। ओर्जस्वच्छिरों अस्तु मे। ओर्जस्वान् विश्वतः प्रत्यङ्कः। ओर्जसा सं पिंपृग्धि मा। पयोऽसि। तत्ते प्र यंच्छामि। पयंस्वदस्तु मे मुखम्ं। पयंस्वच्छिरों अस्तु मे। पयंस्वान् विश्वतः प्रत्यङ्कः। पयंसा सं पिंपृग्धि मा॥

आयुंरिस। तत्ते प्र यंच्छामि। आयुंष्मदस्तु मे मुखम्ँ। आयुंष्मच्छिरों अस्तु मे। आयुंष्मान् विश्वतः प्रत्यङ्कः। आयुंषा सं पिंपृग्धि मा। इममंग्र आयुंषे वर्चसे कृधि। प्रिय॰ रेतों वरुण सोम राजन्। मातेवास्मा अदिते शर्म यच्छ। विश्वे देवा जरंदष्टिर्यथाऽसंत्॥

आयुंरिस विश्वायुंरिस। सूर्वायुंरिस सर्वमायुंरिस। यतो वातो मनोजवाः। यतः क्षरंन्ति सिन्धंवः। तासां त्वा सर्वासार रुचा। अभिषिश्चामि वर्चसा। समुद्र इंवासि गृह्मनां। सोमं इवास्यदांभ्यः। अग्निरिव विश्वतंः प्रत्यङ्कः। सूर्यं इव ज्योतिषा विभूः॥

अपां यो द्रवंणे रसंः। तम्हम्स्मा आंमुष्यायणायं। तेजंसे ब्रह्मवर्चसायं गृह्णामि। अपां य ऊर्मी रसंः। तम्हम्स्मा आंमुष्यायणायं। ओजंसे वीर्याय गृह्णामि। अपां यो मध्यतो रसंः। तम्हम्स्मा आंमुष्यायणायं। [पृष्ठ्यै प्रजनंनाय गृह्णामि। अपां यो यज्ञियो रसंः। तम्हम्स्मा आंमुष्यायणायं।] आयुंषे दीर्घायुत्वायं गृह्णामि॥

(तैत्तिरीयब्राह्मणे अष्टकम् - २/प्रश्नः - ८/अनुवाकः - ८)

अहमंस्मि प्रथम्जा ऋतस्यं। पूर्वं देवेभ्यों अमृतंस्य नाभिः। यो मा ददांति स इदेव माऽऽवाः। अहमन्नमन्नंमदन्तंमिद्रा। पूर्वमुग्नेरिपं दह्त्यन्नम्ं। यृत्तौ हांसाते अहम्त्तेरेषुं। व्यात्तंमस्य पृशवः सुजम्भम्ं। पश्यंन्ति धीराः प्रचरित् पाकाः। जहाँम्यन्यन्न जंहाम्यन्यम्। अहमन्नं वश्वमिचंरामि॥ समानमर्थं पर्येमि भुञ्जत्। को मामन्नं मनुष्यो दयेत। परांके अन्नं निहितं लोक एतत्। विश्वदिवेः पितृभिंगुंप्तमन्नम्ं। यद्द्यते लुप्यते यत्पंरोप्यतें। शृत्तमी सा तन्में बभूव। महान्तौ च्रू संकृद्दुग्धेनं पप्रौ। दिवं च पृश्चिं पृथिवीं चं साकम्। तथ्सम्पिबंन्तो न मिनन्ति वेधसंः। नैतद्भ्यो भवंति नो कनीयः॥

अन्नं प्राणमन्नमपानमांहुः। अन्नं मृत्युं तम्ं जीवातुंमाहुः। अन्नं ब्रह्माणों जरसं वदन्ति। अन्नमाहुः प्रजनंनं प्रजानांम्। मोघमन्नं विन्दते अप्रचेताः। सत्यं ब्रंवीमि वध इथ्स तस्यं। नार्यमणुं पुष्यंति नो सर्खायम्। केवंलाघो भवति केवलादी। अहं मेघः स्तनयन्वर्षन्नस्मि। मामंदन्त्यहमंद्रयन्यान्॥ अह॰ सदमृतों भवामि। मदांदित्या अधि सर्वे तपन्ति।

#### ॥ वाक्सूक्तम्॥

(तैत्तिरीयब्राह्मणे अष्टकम् - २/प्रश्नः - ४/अनुवाकः - ५९-६०)

देवीं वार्चमजनयन्त देवाः। तां विश्वरूपाः पृशवीं वदन्ति। सा नों मुन्द्रेषुमूर्जुं दुहाना। धेनुर्वागुस्मानुपु सुष्टुतैतुं॥६०॥ यद्वाग्वदंन्त्यविचेत्नानिं। राष्ट्रीं देवानांं निष्सादं मुन्द्रा। चतंस्र ऊर्जं दुदुहे पया रेसि। क्वं स्विदस्याः पर्मं जंगाम।



अनुन्तामन्तादिध् निर्मितां महीम्। यस्यां देवा अंदधुर्भोजंनानि। एकांक्षरां द्विपदा् षदंदां च। वाचं देवा उपं जीवन्ति विश्वें। वाचं देवा उपं जीवन्ति विश्वें। वाचं गन्ध्वाः प्रावों मनुष्याः। वाचीमा विश्वा भुवंनान्यर्पिता॥

सा नो हवं जुषतामिन्द्रंपत्नी। वागुक्षरं प्रथमजा ऋतस्यं। वेदांनां माताऽमृतंस्य नाभिः। सा नो जुषाणोपं यज्ञमागात। अवन्ती देवी सुहवां मे अस्तु। यामृषंयो मञ्चकृतों मनीषिणः। अन्वैच्छं देवास्तपंसा श्रमेण। तान्देवीं वाच र् ह्विषां यजामहे। सा नो दधातु सुकृतस्यं लोके। चृत्वारि वाक्परिमिता पदानिं॥

तानिं विदुर्बाह्मणा ये मंनीषिणंः। गुहा त्रीणि निहिंता नेङ्गंयन्ति। तुरीयंं वाचो मंनुष्यां वदन्ति।

### ॥श्रद्धा सूक्तम्॥

श्रुद्धयाऽग्निः समिध्यते। श्रुद्धयां विन्दते ह्विः। श्रुद्धां भगस्य मूर्धनिं। वचसा वेदयामसि। प्रिय श्रेद्धे ददेतः। प्रिय श्रेद्धे दिदांसतः। प्रियं भोजेषु यज्वंसु॥

इदं में उदितं कृषि। यथां देवा असुरेषु। श्रुद्धामुग्रेषुं चित्रेरे। एवं भोजेषु यज्वंसु। अस्माकंमुदितं कृषि। श्रुद्धां देवा यजंमानाः। वायुगोपा उपांसते। श्रुद्धाः हृंदय्यंयाऽऽकूंत्या। श्रुद्धयां हूयते हुविः। श्रुद्धां प्रातर्ह्वामहे॥

श्रृद्धां मध्यन्दिनं परि। श्रृद्धाः सूर्यस्य निम्नुचि। श्रद्धे श्रद्धांपयेह माँ। श्रृद्धा देवानिधं वस्ते। श्रृद्धा विश्वंमिदं जगत्। श्रुद्धां कामस्य मातरम्। हविषां वर्धयामिस।

#### ॥ ब्रह्मा सूक्तम्॥

ब्रह्मं जज्ञानं प्रंथमं पुरस्तांत्। वि सीमृतः सुरुचों वेन आंवः। स बुध्नियां उप मा अंस्य विष्ठाः॥६६॥

सृतश्च योनिमसंतश्च विवंः। पिता विराजांमृष्मो रयीणाम्। अन्तरिक्षं विश्वरूप् आविवेश। तमकैर्भ्यंचिन्त वृथ्सम्। ब्रह्म सन्तं ब्रह्मणा वर्धयन्तः। ब्रह्मं देवानंजनयत्। ब्रह्म विश्वमिदं जगत्। ब्रह्मणः क्षत्रं निर्मितम्। ब्रह्मं ब्राह्मण आत्मनाः। अन्तरिस्मित्रिमे लोकाः॥६७॥

अन्तर्विश्वंमिदं जगंत्। ब्रह्मैव भूतानां ज्येष्ठम्ं। तेन् कोंऽर्हित् स्पर्धितुम्। ब्रह्मन्देवास्त्रयंस्त्रि श्रात्। ब्रह्मंत्रिन्द्रप्रजापृती। ब्रह्मंन् ह् विश्वां भूतानि। नावीवान्तः समाहिता। चतस्त्र आशाः प्रचेरन्त्वग्नयः। इमं नो यज्ञं नयत् प्रजानन्। घृतं पिन्वंत्रजर श सुवीरम्॥ ब्रह्मं सुमिद्भंवत्याहुंतीनाम्।

#### ॥गो-सूक्तम्॥

आ गावो अग्मत्रुत भ्द्रमंत्रन्। सीदंन्तु गोष्ठे र्णयंन्त्व्समे। प्रजावंतीः पुरुरूपां इह स्यः। इन्द्रांय पूर्वीरुषसो दुहानाः। इन्द्रो यज्वंने पृण्ते चं शिक्षति। उपेद्दंदाति न स्वं मुंषायति। भूयोभूयो र्यिमिदंस्य वर्धयन्। अभिन्ने खिल्ले नि दंधाति देव्युम्।

न ता नंशन्ति न दंभाति तस्कंरः। नैनां अमित्रो व्यथिरादंधर्षति। देवा ॥ याभिर्यजंते ददांति ज्योगित्ताभिः सचते गोपंतिः सह। न ता अर्वा रेणुकंकाटो अश्जुते। न सईंस्कृत्त्रमुपं यन्ति ता अभि। उरुगायमभंयं तस्य ता अनुं। गावो मर्त्यस्य वि चंरन्ति यज्वंनः॥ गावो भगो गाव इन्द्रों मे अच्छात्। गावः सोमंस्य प्रथमस्यं भक्षः। इमा या गावः सर्जनास इन्द्रेः। इच्छामीखृदा मनसा चिदिन्द्रम्। यूयं गांवो मेदयथा कृशिश्चेत्। अश्लीलिश्चेत्कृणुथा सुप्रतीकम्। मुद्रं गृहं कृणुथ भद्रवाचः। बृहद्वो वयं उच्यते स्भासुं। प्रजावंतीः सूयवंस १ रिशन्तीः। शुद्धा अपः सुप्रपाणे पिबंन्तीः। मा वंः स्तेन ईंशतु माऽघश ५सः। परिं वो हेती रुद्रस्यं वृञ्यात्। उपेदमुंपपर्चनम्। आसु गोषूपंपृच्यताम्।

उपंर्षभस्य रेतंसि। उपेन्द्र तवं वीर्ये॥

ता सूँर्याचन्द्रमसां विश्वभृत्तंमा महत्। तेजो वसुंमद्राजतो दिवि। सामौत्माना चरतः सामचारिणां। ययोर्द्वतं न ममे जातुं देवयोः। उभावन्तौ परि यात् अर्म्यां। दिवो न र्ष्मी इस्तंनुतो व्यंर्ण्वे। उभा भुंवन्ती भुवंना क्विकंत्। सूर्या न चन्द्रा चंरतो हृतामंती। पतीं द्युमिद्वंश्वविदां उभा दिवः। सूर्या उभा चन्द्रमंसा विचक्षणा॥

विश्ववारा वरिवोभा वरेण्या। ता नोंऽवतं मित्मन्ता मिहंव्रता। विश्ववपरी प्रतरेणा तर्न्ता। सुवर्विदां दृशये भूरिरश्मी। सूर्या हि चन्द्रा वसुं त्वेषदंर्शता। मृनस्विनोभानुंचर्तोनु सन्दिवम्। अस्य श्रवो नद्यः सप्त बिंश्रति। द्यावा क्षामां पृथिवी दंर्शतं वपुः। अस्मे सूर्याचन्द्रमसांऽभिचक्षे। श्रद्धेकिमेन्द्र चरतो विचर्तुरम्॥

पूर्वापरं चरतो माययैतौ। शिशू कीर्डन्तौ परि यातो अध्वरम्। विश्वान्यन्यो भुवंनाऽभि चष्टें। ऋतूनन्यो विदर्धं आयते पुनंः। हिरंण्यवर्णाः शुचंयः पावका यासुं जातः कृश्यपो यास्वन्द्रंः। अग्निं या गर्भं दिधरे विरूपास्ता न आपः शङ् स्योना भवन्तु॥ यासा र राजा वरुणो याति मध्ये सत्यानृते अंवपश्यं जनांनाम्। मधुश्चतः शुचंयो याः पांवकास्ता न आपः शङ् स्योना भवन्तु॥ यासां देवा दिवि कृण्वन्ति भक्षं या अन्तरिक्षे

बहुधा भवंन्ति। याः पृथिवीं पर्यसोन्दन्तिं शुक्रास्ता न आपः श इस्योना भवन्तु॥ शिवेनं मा चक्षुंषा पश्यताऽऽपः शिवयां तनुवोपं स्पृशत त्वचंं मे। सर्वाई अग्नी इर्पस्षदों हुवे वो मिय वर्चो बलुमोजो नि धंत्त॥

आपों भुद्रा घृतमिदापं आसुरुग्नीषोमौ बिभ्रत्याप इत्ताः। ती्व्रो रसों मधुपृचांमरङ्गम आ मां प्राणेनं सुह वर्च सागन्॥

आदित्पंश्याम्युत वां शृणोम्यामा घोषों गच्छति वाङ् नं आसाम्। मन्येभेजानो अमृतंस्य तर्हि हिरंण्यवर्णा अतृंपं यदावंः॥

नासंदासीन्नो सदांसीत्त्दानींम्। नासीद्रजो नो व्योमा पुरो यत्। किमावंरीवः कुह कस्य शर्मन्ं॥

अम्भः किर्मासीद्गहंनं गभीरम्। न मृत्युर्मृतं तर्हि न। रात्रिया अह्रं आसीत्प्रकेतः। आनीदवातः स्वधया तदेकम्। तस्माद्धान्यं न पुरः किश्चनासं। तमं आसीत्तमंसा गूढमग्रैं प्रकेतम्। स्लिलः सर्वमा इदम्। तुच्छेनाभ्विपिहितं यदासीत्। तमंस्रस्तन्महिना जांयतैकम्। कामस्तदग्रे समंवर्ततािधं॥

मनंसो रेतंः प्रथमं यदासींत्। स्तो बन्धुमसंति निरंविन्दन्। हृदि प्रतीष्यां क्वयों मनीषा। तिर्श्वीनो वितंतो रश्मिरंषाम्। अधः स्विंदासी(३)दुपरिं स्विदासी(३)त्। रेतोधा आंसन्मिह्मानं आसन्। स्वधा अवस्तात्प्रयंतिः प्रस्तात्। को अद्धा वेंद्र क इह प्र वोंचत्। कुत् आजांता कुतं इयं विसृष्टिः। अवांग्देवा अस्य विसर्जनाय॥

अथा को वेद यतं आब्भूवं। इयं विसृंष्टिर्यतं आब्भूवं। यदिं वा द्धे यदिं वा न। यो अस्याध्यंक्षः पर्मे व्योमन्। सो अङ्ग वेद यदिं वा न वेदं। कि इस्विद्वनङ्क उ स वृक्ष आंसीत्। यतो द्यावांपृथिवी निष्टतृक्षुः। मनींषिणो मनंसा पृच्छतेदुतत्। यद्ध्यतिष्ठद्भुवंनानि धारयन्। ब्रह्म वनं ब्रह्म स वृक्ष आंसीत्॥

यतो द्यावांपृथिवी निष्टतक्षुः। मनीषिणो मनस्ता विब्नंवीमि वः। ब्रह्माध्यतिष्ठद्भुवंनानि धारयन्। प्रातर्ग्निं प्रातरिन्द्र रहे हवामहे। प्रातर्मित्रावरुणा प्रातर्श्वनां। प्रातर्भगं पूषणं ब्रह्मणस्पतिम्। प्रातः सोमंमुत रुद्र ह्वेम। प्रातर्जितं भगंमुग्र ह्वेम। व्यं पुत्रमदितयों विधर्ता। आध्रश्चिद्यं मन्यंमानस्तुरश्चित्॥

राजां चिद्यं भगं भृक्षीत्याहं। भग प्रणेतुर्भग सत्यंराधः। भगेमां धियमुदेव ददेत्रः। भग प्र णो जनय गोभिरश्वैः। भग प्र नृभिर्नृवन्तः स्याम। उतदानीं भगवन्तः स्याम। उत प्रपित्व उत मध्ये अह्राम। उतोदिता मघवन्थ्सूर्यस्य। व्यं देवाना समृतौ स्याम। भगं एव भगंवा अस्तु देवाः॥

तेनं व्यं भगवन्तः स्याम। तं त्वां भगु सर्व इञ्जोहवीमि। स नो भग पुर पुता भवेह। समध्वरायोषसो नमन्त। दुधिकावेव शुचेये प्रदायं। अर्वाचीनं वंसुविदं भगंं नः। रथंमिवाश्वां वाजिन आवंहन्तु। अश्वांवतीर्गोमतीर्न उषासंः। वीरवंतीः सदंमुच्छन्तु भृद्राः। घृतं दुहांना विश्वतः प्रपीनाः। यूयं पात स्वस्तिभिः सदां नः॥

#### ॥नक्षत्रसूक्तम्॥

(तैत्तिरीय ब्राह्मणे अष्टकम् – ३/प्रश्नः – १) (तैत्तिरीय संहितायां काण्डम् – ३/प्रपाठकः – ५/अनुवाकः –१)

अग्निर्नः पातु कृत्तिकाः। नक्षत्रं देविमिन्द्रियम्। इदमासां विचक्षणम्। ह्विरासं जुहोतन। यस्य भान्ति रश्मयो यस्यं कृतविः। यस्येमा विश्वा भुवनानि सर्वां। स कृत्तिकाभि-रिभसंवसानः। अग्निर्नो देवः सुंविते देधातु॥१॥

प्रजापंते रोहिणी वेतु पत्नीं। विश्वरूपा बृह्ती चित्रभांनुः। सा नों यज्ञस्यं सुविते दंधातु। यथा जीवेम श्ररदः सवीराः। रोहिणी देव्युदंगात्पुरस्तांत्। विश्वां रूपाणिं प्रतिमोदंमाना। प्रजापंति हिवषां वर्धयंन्ती। प्रिया देवानामुपंयातु यज्ञम्॥२॥

सोमो राजां मृगशीर्षेण आगत्रं। शिवं नक्षंत्रं प्रियमंस्य धामं। आप्यायंमानो बहुधा जनेषु। रेतः प्रजां यजमाने दधातु। यत्ते नक्षंत्रं मृगशीर्षमस्ति। प्रिय॰ राजन् प्रियतंमं प्रियाणांम्। तस्मैं ते सोम हुविषां विधेम। शं नं एधि द्विपदे

### शं चतुंष्पदे॥३॥

आर्द्रयां रुद्रः प्रथंमा न एति। श्रेष्ठों देवानां पतिंरिघ्नयानांम्। नक्षंत्रमस्य ह्विषां विधेम। मा नः प्रजार रीरिष्नमोत वीरान्। हेती रुद्रस्य परिणो वृणक्तः। आर्द्रा नक्षंत्रं जुषतार ह्विनेः। प्रमुश्रमांनौ दुरितानि विश्वाः। अपाघशर्रं सन्नुदतामरांतिम्॥४॥

पुनंनों देव्यदितिः स्पृणोतु। पुनंवसू नः पुन्रेतां यज्ञम्। पुनंनों देवा अभियंन्तु सर्वे। पुनंः पुनर्वो ह्विषां यजामः। एवा न देव्यदितिरन्वा। विश्वंस्य भूत्री जगंतः प्रतिष्ठा। पुनंवसू ह्विषां वर्धयंन्ती। प्रियं देवानामप्येतु पार्थः॥५॥

बृह्स्पतिः प्रथमं जायंमानः। तिष्यं नक्षंत्रम्भि सम्बंभूव। श्रेष्ठां देवानां पृतंनास् जिष्णुः। दिशोऽनु सर्वा अभयं नो अस्तु। तिष्यः पुरस्तांदुत मध्यतो नः। बृह्स्पतिर्नः परिपातु पृश्चात्। बाधेतां द्वेषो अभयं कृणुताम्। सुवीर्यस्य पत्रंयः स्याम॥६॥ इद॰ स्पॅभ्यो ह्विरंस्तु जुष्टम्ं। आश्रेषा येषांमनुयन्ति चेतः। ये अन्तरिक्षं पृथिवीं क्षियन्ति। ते नः स्पांसो ह्वमार्गमिष्ठाः। ये रोचने सूर्यस्यापि स्पाः। ये दिवं देवीमनुंस्श्चरंन्ति। येषांमाश्रेषा अनुयन्ति कामम्ं। तेभ्यः स्पॅभ्यो मधुंमञ्जहोमि॥७॥

उपंहूताः पितरो ये मुघासुं। मनोजवसः सुकृतः सुकृत्याः।

ते नो नक्षेत्रे हवमार्गमिष्ठाः। स्वधाभिर्यज्ञं प्रयंतं जुषन्ताम्। ये अग्निद्ग्धा येऽनंग्निदग्धाः। येऽमुं लोकं पितरः क्षियन्ति। याङ्श्चं विद्मयाः उं च न प्रविद्मा। मुघासुं युज्ञः सुकृतं जुषन्ताम्॥८॥

गवां पितः फल्गुंनीनामिस् त्वम्। तदंर्यमन् वरुणिमत्र चारुं। तं त्वां वयः संनितारः सनीनाम्। जीवा जीवंन्तमुप् संविंशेम। येनेमा विश्वा भुवंनािन सिंजता। यस्यं देवा अनुसंयन्ति चेतः। अर्यमा राजाऽजर्स्तु विंष्मान्। फल्गुंनीनामृषभो रोरवीति॥९॥

श्रेष्ठों देवानां भगवो भगासि। तत्त्वां विदुः फल्गुंनीस्तस्यं वित्तात्। अस्मभ्यं क्षत्रम्जर् सुवीर्यम्। गोमदश्वंवदुप्सन्नुं-देह। भगों ह दाता भग इत्प्रंदाता। भगों देवीः फल्गुंनीराविवेश। भगस्येत्तं प्रंस्वं गंमेम। यत्रं देवैः संधुमादं मदेम॥१०॥

आयांतु देवः संवितोपंयातु। हिर्ण्ययंन सुवृता रथेन। वहुन् हस्त र् सुभगं विद्यनापंसम्। प्रयच्छंन्तं पपुंरिं पुण्यमच्छं। हस्तः प्रयच्छ त्वमृतं वसीयः। दक्षिणेन प्रतिगृभ्णीम एनत्। दातारमद्य संविता विदेय। यो नो हस्तांय प्रसुवातिं युज्ञम्॥११॥

त्वष्टा नक्षंत्रमुभ्येंति चित्राम्। सुभगं संसं युवृति ५

रोचंमानाम्। निवेशयंत्रमृतान्मर्त्या ईश्च। रूपाणि पि १ शन् भुवंनानि विश्वा। तत्रस्त्वष्टा तदुं चित्रा विचंष्टाम्। तत्रक्षंत्रं भूरिदा अंस्तु मह्मम्। तत्रंः प्रजां वीरवंती १ सनोतु। गोभिंनीं अश्वैः समनक्तु युज्ञम्॥१२॥

वायुर्नक्षंत्रम्भ्यंति निष्ट्याम्। तिग्मश्रंङ्गो वृष्भो रोर्रुवाणः। समीरयन् भवंना मात्रिश्वां। अप द्वेषा रेसि नुदतामरातीः। तन्नो वायुस्तदु निष्ट्यां शृणोतु। तन्नक्षंत्रं भूरिदा अस्तु मह्मम्। तन्नो देवासो अनुंजानन्तु कामम्। यथा तरेम दुरितानि विश्वां॥१३॥

दूरम्स्मच्छत्रंवो यन्तु भीताः। तिदंन्द्राग्नी कृणतां तिद्वशांखे। तन्नो देवा अनुमदन्तु यज्ञम्। पृश्चात् पुरस्तादभयं नो अस्तु। नक्षंत्राणामिष्पत्नी विशांखे। श्रेष्ठांविन्द्राग्नी भुवंनस्य गोपौ। विषूचः शत्रूनप्बार्धमानौ। अप क्षुर्धं नुदतामरांतिम्॥१४॥

पूर्णा पृश्चादुत पूर्णा पुरस्तांत्। उन्मध्यतः पौर्णमासी जिंगाय। तस्यां देवा अधिसंवसंन्तः। उत्तमे नाकं इह मांदयन्ताम्। पृथ्वी सुवर्चा युवृतिः स्जोषाः। पौर्णमास्युदंगाच्छोभंमाना। आप्याययंन्ती दुरितानि विश्वाः। उरुं दुहां यजंमानाय यज्ञम्॥१५॥

ऋद्धारमं हुव्यैर्नमंसोप्सद्यं। मित्रं देवं मित्र्धेयं नो अस्तु। अनूराधान् हुविषां वर्धयंन्तः। शृतं जीवेम शुरदः सवीराः। चित्रं नक्षेत्रमुदंगात्पुरस्तात्। अनूराधा स् इति यद्वदंन्ति।
तन्मित्र एति पथिभिर्देवयानैः। हिर्ण्ययैर्वितंतैर्न्तरिक्षे॥१६॥
इन्द्रौ ज्येष्ठामनु नक्षेत्रमेति। यस्मिन् वृत्रं वृत्र् तूर्ये तृतारं।
तस्मिन्वयम्मृतं दुहानाः। क्षुधं तरेम् दुरितिं दुरिष्टिम्।
पुरन्दरायं वृष्भायं धृष्णवै। अषांढाय सहमानाय मीढुषै।
इन्द्राय ज्येष्ठा मधुमृदुहाना। उरुं कृणोतु यजमानाय
लोकम्॥१७॥

मूर्लं प्रजां वीरवंतीं विदेय। पराँच्येतु निर्ऋतिः पराचा। गोभिर्नक्षेत्रं प्राभिः समक्तम्। अहंर्भूयाद्यजमानाय मह्यम्। अहंर्नो अद्य संविते दंधातु। मूलं नक्षेत्रमिति यद्वदंन्ति। परांचीं वाचा निर्ऋतिं नुदामि। शिवं प्रजाये शिवमंस्तु मह्यम्॥१८॥ या दिव्या आपः पर्यसा सम्बभूवः। या अन्तरिक्ष उत पार्थिवीर्याः। यासांमषाढा अनुयन्ति कामम्। ता न आपः शङ् स्योना भवन्तु। याश्च कूप्या याश्चं नाद्याः समुद्रियाः। याश्चं वेशन्तीरुत प्रांसचीर्याः। यासांमषाढा मधुं भृक्षयंन्ति। ता न आपः शङ् स्योना भवन्तु॥१९॥

तन्नो विश्वे उपं शृण्वन्तु देवाः। तदंषाढा अभिसंयंन्तु यज्ञम्। तन्नक्षंत्रं प्रथतां पृशुभ्यः। कृषिर्वृष्टिर्यजमानाय कल्पताम्। शुभाः कन्यां युवतयः सुपेशंसः। कर्मकृतः सुकृतों वीर्यांवतीः। विश्वांन् देवान् हृविषां वर्धयंन्तीः। अषाढाः काम्मुपंयान्तु यज्ञम्॥२०॥

यस्मिन् ब्रह्माभ्यजंयथ्सर्वमेतत्। अमुं चं लोकमिदमूंच् सर्वम्। तन्नो नक्षंत्रमभिजिद्विजित्यं। श्रियं दधात्वहंणीय-मानम्। उभौ लोकौ ब्रह्मणा सञ्जितेमौ। तन्नो नक्षंत्रमभिजिद्विचंष्टाम्। तस्मिन्वयं पृतेनाः सञ्जयेम। तन्नो देवासो अनुंजानन्तु कामम्॥२१॥

शृण्वन्तिं श्रोणाम्मृतंस्य गोपाम्। पुण्यांमस्या उपंश्णोमि वाचम्। मृहीं देवीं विष्णुपत्नीमजूर्याम्। प्रतीचीं मेना १ ह्विषां यजामः। त्रेधा विष्णुं रुरुगायो विचंक्रमे। मृहीं दिवं पृथिवीम्न्तिरक्षम्। तच्छ्रोणैतिश्रवं इच्छमांना। पुण्य १ श्लोकं यजमानाय कृण्वती॥ २२॥

अष्टौ देवा वसंवः सोम्यासंः। चतंस्रो देवीर्जराः श्रविष्ठाः। ते यज्ञं पान्तु रजंसः प्रस्तात्। संवथ्सरीणंममृत इस्विस्तः। यज्ञं नंः पान्तु वसंवः पुरस्तात्। दक्षिणतोऽभियंन्तु श्रविष्ठाः। पुण्यं नक्षंत्रमभि संविष्ठाम। मा नो अरांतिरघश्र्यसाऽगत्रं॥२३॥ क्षत्रस्य राजा वरुंणोऽधिराजः। नक्षंत्राणा श्रातभिष्वविसेष्ठः। तो देवेभ्यः कृणुतो दीर्घमायुः। श्रात सहस्रां भेषजानि धत्तः। यज्ञं नो राजा वरुंण उपयातु। तन्नो विश्वं अभि संयंन्तु देवाः। तन्नो नक्षंत्र श्रातभिष्वज्जषाणम्। दीर्घमायुः प्रतिरद्धेषजानि॥२४॥

अज एकंपादुदंगात्पुरस्तांत्। विश्वां भूतानिं प्रति मोदंमानः।

तस्यं देवाः प्रस्वं यंन्ति सर्वें। प्रोष्ट्रपदासों अमृतंस्य गोपाः। विभ्राजमानः समिधा न उग्रः। आऽन्तरिक्षमरुहृदगुन्द्याम्। तर् सूर्यं देवम्जमेकपादम्। प्रोष्ट्रपदासो अनुयन्ति सर्वे॥२५॥

अहिंबुंध्रियः प्रथंमा न एति। श्रेष्ठों देवानांमुत मानुंषाणाम्। तं ब्राँह्मणाः सोमपाः सोम्यासंः। प्रोष्ठपदासों अभिरंक्षन्ति सर्वे। चत्वार् एकंम्भि कर्म देवाः। प्रोष्ठपदा स इति यान् वदंन्ति। ते बुंध्रियं परिषद्य एकंन्तः। अहिर् रक्षन्ति नर्मसोपसद्यं॥२६॥

पूषा रेवत्यन्वेति पन्थांम्। पुष्टिपतीं पशुपा वाजंबस्त्यौ। इमानि ह्व्या प्रयंता जुषाणा। सुगैर्नो यानैरुपंयातां यज्ञम्। क्षुद्रान् पशून् रेक्षतु रेवतीं नः। गावों नो अश्वार् अन्वेतु पूषा। अन्नर् रक्षंन्तौ बहुधा विरूपम्। वाजर् सनुतां यजंमानाय यज्ञम्॥२७॥

तद्धिनांवश्वयुजोपंयाताम्। शुभुङ्गमिष्ठौ सुयमेभिरश्वैः। स्वं नक्षत्रः ह्विषा यजंन्तौ। मध्वासम्पृक्तौ यजुंषा समक्तौ। यौ देवानां भिषजौं हव्यवाहौ। विश्वंस्य दूतावमृतंस्य गोपौ। तौ नक्षत्रं जुजुषाणोपंयाताम्। नमोऽश्विभ्यां कृणुमोऽश्वयुग्भ्यांम्॥२८॥

अपं पाप्मानं भरंणीर्भरन्तु। तद्यमो राजा भगंवान् विचंष्टाम्।

लोकस्य राजां मह्तो महान् हि। सुगं नः पन्थामभंयं कृणोतु। यस्मिन्नक्षंत्रे यम एति राजां। यस्मिन्नेनम्भ्यषिश्चन्त देवाः। तदंस्य चित्र॰ हृविषां यजाम। अप पाप्मानं भरंणीर्भरन्तु॥२९॥

निवेशंनी सङ्गमंनी वसूनां विश्वां रूपाणि वसून्यावेशयंन्ती। सहस्रपोष र सुभगा रराणा सा न आगन्वर्चसा संविदाना॥ यत्ते देवा अद्धर्भाग्धेयममांवास्ये संवसंन्तो महित्वा। सा नो युज्ञं पिंपृहि विश्ववारे रुयिं नो धेहि सुभगे सुवीरम्॥३०॥



नवों नवो भवित जायंमानोऽह्रां केतुरुषसांमेत्यग्रें। भागं देवेभ्यो विदंधात्यायन् प्रचन्द्रमांस्तिरित दीर्घमायुंः॥
यमादित्या अष्शुमांप्याययंन्ति यमिक्षेत्मिक्षेतयः पिबेन्ति।
तेनं नो राजा वर्रुणो बृह्स्पित्रा प्याययन्तु भुवंनस्य गोपाः॥
ये विरूपे समंनसा संव्ययंन्ती। समानं तन्तुं पिरतात्नातें।
विभू प्रभू अनुभू विश्वतों हुवे। ते नो नक्षेत्रे हवमागंमेतम्।
वयं देवी ब्रह्मणा संविदानाः। सुरत्नांसो देववीतिं दर्धानाः।
अहोरात्रे ह्विषां वर्धयंन्तः। अति पाप्मान्मितिमुक्त्यागमेम।
प्रत्युवदृश्यायती। व्युच्छन्तीं दुहिता दिवः। अपो मही वृंणुते
चक्षंषा। तमो ज्योतिष्कृणोति सूनरीं। उदुस्त्रियाः सचते सूर्यः।
सचां उद्यन्नक्षेत्रमर्चिमत्। तवेदंषो व्युषि सूर्यंस्य च। सं

भक्तेनं गमेमिह। तन्नो नक्षंत्रमिन्। भानुमत्तेजं उचरंत्। उपयुज्ञमिहागंमत्। प्र नक्षंत्राय देवायं। इन्द्रायेन्दु रं हवामहे। स नः सिवता सुंवथ्सिनम्। पृष्टिदां वीरवंत्तमम्।

उदुत्यं जातवेदसं देवं वेहन्ति केतवेः। दृशे विश्वांय सूर्यम्। चित्रं देवानामुदंगादनीकं चक्षुंर्मित्रस्य वरुणस्याग्नेः। आऽप्रा द्यावां पृथिवी अन्तरिक्ष्ण्ं सूर्यं आत्मा जगंतस्तुस्थुषंश्च।

आदितिर्न उरुष्यत्विदितिः शर्म यच्छत्। अदितिः पात्वश्हंसः। महीमूषु मातरशं सुब्रतानांमृतस्य पत्नीमवंसे हुवेम। तुविक्षृत्राम्जरंन्तीमुरूचीश सुशर्माण्मिदितिश सुप्रणीतिम्।

इदं विष्णुर्विचंक्रमे त्रेधा निदंधे प्दम्। समूढमस्य पारसुर। प्रतिद्वष्णुः स्तवते वीर्याय। मृगो न भीमः कुंचरो गिरिष्ठाः। यस्योरुषुं त्रिषु विक्रमंणेषु। अधिक्षियन्ति भुवंनानि विश्वां। अग्निर्मूर्धा दिवः कुकुत्पतिः पृथिव्या अयम्। अपार रेतारेसि जिन्वति। भुवो यज्ञस्य रजंसश्च नेता यत्रांनियुद्धिः सचंसे शिवाभिः। दिवि मूर्धानं दिधषे सुवर्षां जिह्वामंग्ने चकृषे हव्यवाहम्। अनुनोऽद्यानुंमतिर्यज्ञं देवेषुं मन्यताम्। अग्निश्चं हव्यवाहंनो भवंतां दाशुषे मयः। अन्विदंनुमते त्वं मन्यांसै शं चं नः कृषि। कत्वे दक्षांय नोहि नु प्रण आयूर्षेष तारिषः। ह्व्यवाहंमभिमातिषाहम्। रक्षोहणं पृतंनासु जिष्णुम्।

ज्योतिष्मन्तं दीद्यंतं पुरेन्धिम्। अग्निः स्विष्टकृतमाहुंवेम। स्विष्टमग्ने अभितत्पृणाहि। विश्वां देव पृतना अभिष्य। उरुं नः पन्थां प्रदिशन्विभाहि। ज्योतिष्मद्धेह्यजरंं न आयुंः॥

अग्नये स्वाहा कृत्तिंकाभ्यः स्वाहाँ। अम्बायै स्वाहां दुलायै स्वाहां। नितृत्यै स्वाहाऽभ्रयन्त्यै स्वाहाँ। मेघयंन्त्यै स्वाहां वर्षयंन्त्यै स्वाहां। चुपुणीकांयै स्वाहाँ। प्रजापंतये स्वाहां रोहिण्ये स्वाहां। रोचंमानायै स्वाहाँ प्रजाभ्यः स्वाहाँ। सोमांय स्वाहां मृगशीर्षाय स्वाहां। इन्वकाभ्यः स्वाहौषंधीभ्यः स्वाहाँ। राज्याय स्वाहाऽभिजिंत्यै स्वाहाँ। रुद्राय स्वाहाऽऽर्द्राये स्वाहां। पिन्वंमानायै स्वाहां पशुभ्यः स्वाहाँ। अदित्यै स्वाहा पुनर्वसुभ्याम्। स्वाहा भूँत्यै स्वाहा प्रजाँत्यै स्वाहाँ। बृहस्पतंये स्वाहां तिष्यांय स्वाहां। ब्रह्मवर्चसाय स्वाहाँ। सुर्पेभ्यः स्वाहाँ ऽऽश्रेषाभ्यः स्वाहाँ। दन्दशूकैभ्यः स्वाहाँ।

पितृभ्यः स्वाहां मुघाभ्यंः। स्वाहांऽनुघाभ्यः स्वाहांऽगुदाभ्यः। स्वाहां ऽरुन्धृतीभ्यः स्वाहां। अर्युम्णे स्वाहा फल्गुंनीभ्याङ् स्वाहाँ। पशुभ्यः स्वाहाँ। भगांय स्वाहा फल्गुंनीभ्या्ड् स्वाहाँ। श्रेष्ठांय स्वाहां। स्वित्रे स्वाहा हस्तांय। स्वाहां दद्ते स्वाहां पृण्ते। स्वाहाँ प्रयच्छंते स्वाहाँ प्रतिगृभ्णते स्वाहाँ। त्वष्ट्रे स्वाहां चित्रायै स्वाहां। चैत्रांयु स्वाहाँ प्रजायै स्वाहाँ। वायवे स्वाहा निष्टांये स्वाहां। कामुचारांयु स्वाहाऽभिजिंत्यै स्वाहाँ। इन्द्राग्निभ्याु स्वाहा विशांखाभ्याु स्वाहाँ। श्रेष्ठ्याय स्वाहाऽभिजिंत्ये स्वाहाँ। पौर्णमास्य स्वाहा कामांय स्वाहाऽऽगंत्ये स्वाहाँ। मित्राय स्वाहां ऽनूराधेभ्यः स्वाहां। मित्रधेयांय स्वाहाऽभिजित्यै स्वाहाँ। इन्द्रांय स्वाहाँ ज्येष्ठायै स्वाहाँ। ज्येष्ठांय स्वाहाऽभिजित्ये स्वाहाँ। प्रजापंतये स्वाहा मूलांय स्वाहां।

प्रजायै स्वाहाँ। अुद्धः स्वाहांऽषाढाभ्यः स्वाहां। सुमुद्राय स्वाहा कामांय स्वाहाँ। अभिजिंत्यै स्वाहाँ। विश्वैभ्यो देवेभ्यः स्वाहांऽषाढाभ्यः स्वाहां। अनुपुज्ययाय स्वाहा जित्यै स्वाहाँ। ब्रह्मणे स्वाहां ऽभिजिते स्वाहाँ। ब्रह्मलोकाय स्वाहाऽभिजित्ये स्वाहाँ। विष्णंवे स्वाहाँ श्रोणायै स्वाहाँ। श्लोकांय स्वाहां श्रुताय स्वाहां। वसुंभ्यः स्वाहा श्रविष्ठाभ्यः स्वाहाँ। अग्रांयु स्वाहा परींत्यै स्वाहाँ। वर्रणाय स्वाहां शतिभेषजे स्वाहां। भेषजेभ्यः स्वाहाँ। अजायैकंपदे स्वाहां प्रोष्ठपुदेभ्यः स्वाहां। तेजसे स्वाहाँ ब्रह्मवर्चसाय स्वाहाँ। अहंये बुध्नियांय स्वाहां प्रोष्ठपदेभ्यः स्वाहां। प्रतिष्ठायै स्वाहाँ। पूष्णे स्वाहां रेवत्यै स्वाहां। पशुभ्यः स्वाहाँ। अश्विभ्या् स्वाहाँ ऽश्वयुग्भ्याः इस्वाहाँ। श्रोत्रांय स्वाहा श्रुत्ये स्वाहाँ।

यमाय स्वाहांऽपभरणीभ्यः स्वाहां। राज्याय स्वाहाऽभिजित्यै स्वाहाँ। अमावास्यांयै स्वाहा कामांय स्वाहाऽऽगंत्यै स्वाहां। चन्द्रमंसे स्वाहाँ प्रतीदश्यांयै स्वाहाँ। अहोरात्रेभ्यः स्वाहाँ ऽर्धमासेभ्यः स्वाहाँ। मासेंभ्यः स्वाहर्तुभ्यः स्वाहां। संवथ्सराय स्वाहाँ। अह्रे स्वाहा रात्रिंयै स्वाहाँ। अतिंमुत्तये स्वाहाँ। उषसे स्वाहा व्युंष्ट्रो स्वाहाँ। व्यूषुष्ये स्वाहाँ व्युच्छन्त्ये स्वाहा। व्युंष्टायै स्वाहाँ। नक्षंत्राय स्वाहोदेष्यते स्वाहाँ। उद्यते स्वाहोदिंताय स्वाहां। हरंसे स्वाहा भरंसे स्वाहाँ। भ्राजंसे स्वाहा तेजंसे स्वाहाँ। तपंसे स्वाहाँ ब्रह्मवर्चसाय स्वाहाँ। सूर्यायु स्वाहा नक्षंत्रेभ्यः स्वाहाँ। प्रतिष्ठायै स्वाहाँ। अदित्यै स्वाहाँ प्रतिष्ठायै स्वाहाँ। विष्णंवे स्वाहां युज्ञाय स्वाहां। प्रतिष्ठायै स्वाहाँ॥

द्धिकाव्णों अकारिषं जिष्णोरश्वंस्य वाजिनंः। सुर्भि नो मुखांकर्त् प्रण् आयूर्ंषि तारिषत्॥

आपो हि ष्ठा मंयो भुवस्तानं ऊर्जे दंधातन। मृहेरणांय चक्षंसे॥

यो वंः शिवतंमो रस्स्तस्यं भाजयतेह नंः। उश्तीरिंव मातरंः॥

तस्मा अरं गमाम वो यस्य क्षयांय जिन्वंथ। आपों जनयंथा च नः॥

उद्तुंत्तमं वंरुणपाशंमस्मदवांधमं विमध्यमः श्रंथाय। अथां वयमांदित्यव्रते तवानांगसो अदितये स्याम। अस्तंभाद् द्यामृष्मो अन्तरिक्षमिमीत विरमाणं पृथिव्या आसीदिहिश्वा भुवनानि सम्राड्विश्वेत्तानि वरुणस्य व्रतानि।

यत्किं चेदं वंरुण् दैव्ये जनेंभिद्रोहं मनुष्यांश्वरांमसि। अचित्तीयत्तव धर्मा युयोपिम मा नस्तस्मादेनंसो देव रीरिषः॥

कित्वासो यद्रिरिपुर्नदीवि यद्वां घा सत्यमुत यं न विद्य। सर्वाताविष्यं शिथिरेवं देवाथां ते स्याम वरुण प्रियासंः॥

अवं ते हेडों वरुण नमोंभि्रवंयुज्ञेभिरीमहे हुविर्भिः। क्षयंत्रुस्मभ्यंमसुरप्रचेतो राज्ञन्नेनार्श्सिशिश्रथः कृतानि॥ तत्त्वां यामि ब्रह्मंणा वन्दंमानस्तदाशांस्ते यजंमानो ह्विर्भिः। अहेंडमानो वरुणेह बोध्युरुंशश्स मा न आयुः प्रमोषीः॥

हिरंण्यवर्णाः शुचंयः पावका यासुं जातः कृश्यपो यास्वन्द्रंः। अग्निं या गर्भं दिधिरे विरूपास्ता न आपः शङ् स्योना भवन्तु॥ यासाङ् राजा वरुणो याति मध्ये सत्यानृते अवपश्यं जनानाम्। मधुश्चतः शुचंयो याः पांवकास्ता न आपः शङ् स्योना भवन्तु॥ यासां देवा दिवि कृण्वन्तिं भृक्षं या अन्तरिक्षे बहुधा भवन्ति। याः पृंथिवीं पर्यसोन्दन्तिं शुक्रास्ता न आपः शङ् स्योना भवन्तु॥ शिवनं मा चक्षुंषा पश्यताऽऽपः शिवयां तनुवोपं स्पृशत त्वचं मे। सर्वाई अग्नी र रंपसुषदों हुवे वो मिये वर्ची बलुमोजो नि धंत्त॥

पर्वमानः सुवर्जनः। प्वित्रेण विचेर्षणिः। यः पोता स प्नातु मा। पुनन्तुं मा देवज्ञनाः। पुनन्तु मनंवो धिया। पुनन्तु विश्वं आयवंः। जातंवेदः प्वित्रंवत्। प्वित्रेण पुनाहि मा। शुक्रेणं देवदीद्यंत्। अग्ने क्रत्वा क्रतूर् रनुं। यत्तं प्वित्रंम्चिषिं। अग्ने वितंतमन्तरा। ब्रह्म तेनं पुनीमहे। उभाभ्यां देवसवितः। प्वित्रंण स्वेनं च। इदं ब्रह्मं पुनीमहे। वैश्वदेवी पुनती देव्यागांत्। यस्यै बह्वीस्तनुवों वीतपृंष्ठाः। तया मदन्तः सध्माद्यंषु। वय स्याम् पत्यो रयीणाम्। वैश्वनरो रिश्मिभिर्मा पुनातु। वातः प्राणेनेषिरो मयो भूः।

द्यावांपृथिवी पर्यसा पर्योभिः। ऋतावंरी यज्ञिये मा पुनीताम्। बृहद्भिः सवितस्तृभिः। वर्षिष्ठैर्देवमन्मंभिः। अग्ने दक्षैः पुनाहि मा। येनं देवा अपुनत। येनाऽऽपो दिव्यं कर्शः। तेनं दिव्येन ब्रह्मणा। इदं ब्रह्मं पुनीमहे। यः पांवमानीर्ध्येतिं। ऋषिभिः सम्भृत्र रसम्। सर्वर स पूतमंश्राति। स्वदितं मांतरिश्वंना। पावमानीर्यो अध्येतिं। ऋषिंभिः सम्भृंतर रसम्। तस्मै सरस्वती दुहै। क्षीर स्पर्पिर्मधूंदकम्॥ पावमानीः स्वस्त्ययंनीः। सुदुघाहि पयंस्वतीः। ऋषिभिः सम्भृतो रसः। ब्राह्मणेष्वमृत १ हितम्। पावमानीर्दिशन्तु नः। इमं लोकमथो अमुम्। कामान्थ्समंधयन्तु नः। देवीर्देवैः समाभृताः। पावमानीः स्वस्त्ययंनीः। सुदुघाहि घृतश्चतः। ऋषिंभिः सम्भृतो रसंः। ब्राह्मणेष्वमृत्रं हितम्। येनं देवाः पुवित्रेण। आत्मानं पुनते सदां। तेनं सुहस्रंधारेण। पावमान्यः पुनन्तु मा। प्राजापत्यं पवित्रम्। शतोद्यांमः हिरण्मयम्। तेनं ब्रह्म विदो वयम्। पूतं ब्रह्मं पुनीमहे। इन्द्रंः सुनीती सहमां पुनातु। सोमः स्वस्त्या वरुणः समीच्यां। यमो राजा प्रमृणाभिः पुनातु मा। जातवेदा मोर्जयंन्त्या पुनातु। भूर्भुवः सुवः।

तच्छुं योरावृंणीमहे। गातुं यज्ञायं। गातुं यज्ञपंतये। दैवीः स्वस्तिरंस्तु नः। स्वस्तिर्मानुंषेभ्यः। ऊर्ध्वं जिंगातु भेषजम्। शं नो अस्तु द्विपदें। शं चतुंष्पदे। ॐ शान्तिः शान्तिः॥

नमो ब्रह्मणे नमो अस्त्वग्नये नमः पृथिव्यै नम् ओषंधीभ्यः। नमो वाचे नमो वाचस्पतंये विष्णंवे बृह्ते करोमि॥ ॥ॐ शान्तिः शान्तिः शान्तिः॥

## ॥प्रोक्षण मन्त्राः॥

आपो हि ष्ठा मंयो भुवस्ता नं ऊर्जे दंधातन। महेरणांय चक्षंसे। यो वंः शिवतंमो रसस्तस्यं भाजयतेह नंः। उशतीरिव मातरंः। तस्मा अरं गमाम वो यस्य क्षयांय जिन्वंथ। आपों जनयंथा च नः॥

देवस्यं त्वा सिवृतुः प्रंस्वे। अश्विनौर्बाहुभ्याम्। पूष्णो हस्तौभ्याम्। अश्विनोर्भेषंज्येन। तेजंसे ब्रह्मवर्चसायाभिषिश्चामि॥ देवस्यं त्वा सिवृतुः प्रंस्वे। अश्विनौर्बाहुभ्याम्। पूष्णो हस्तौभ्याम्। सरंस्वत्ये भैषंज्येन। वीर्यायान्नाद्यायाभिषिश्चामि॥ देवस्यं त्वा सिवृतुः प्रंस्वे। अश्विनौर्बाहुभ्याम्। पूष्णो हस्तौभ्याम्। इन्द्रंस्येन्द्रियेणं। श्रिये यशंसे बलांयाभिषिश्चामि॥

देवस्यं त्वा सिवतः प्रंसवैंऽिश्वनें बिंहुभ्यां पूष्णो हस्ताभ्या क् सर्रस्वत्ये वाचो यन्तुर्यन्नेणाग्नेस्त्वा साम्राज्येनाभिषिश्चामि॥ देवस्यं त्वा सिवतः प्रंसवेंऽिश्वनें बिंहुभ्यां पूष्णो हस्ताभ्या क्सरस्वत्ये वाचो यन्तुर्यन्नेण बृहुस्पतें स्त्वा प्रोक्षण मन्त्राः

साम्रांज्येनाभिषिंश्चामि॥

द्रुपदादिव मुश्रंतु। द्रुपदादिवेन्मुंमुचानः। स्विन्नः स्नात्वी मलांदिव। पूतं पवित्रेणेवाज्यम्। आपः शुन्धन्तु मैनंसः। आपो वा इद॰ सर्वं विश्वां भूतान्यापः प्राणा वा आपः पशव आपोऽन्नमापोऽमृंतमापः सम्राडापो विराडापः स्वराडापृश्छन्दाङ्स्यापो ज्योतीङ्घ्यापो यजूङ्घ्यापः सत्यमापः सर्वा देवता आपो भूर्भवः सुवराप ओम्॥ ॥ॐ शान्तिः शान्तिः शान्तिः॥

This PDF was downloaded from http://stotrasamhita.github.io.

GitHub: http://stotrasamhita.github.io | http://github.com/stotrasamhita

Credits: http://stotrasamhita.github.io/about/